

1958 джилд эрдни-шишан ик ургъц гаргъдж авхин төлө

1958 джилд эрдни-шишан ик ургъц гаргъдж авхин төлө комсомольцрин болн багъчудин, пионермудин болн школьникудин Цугсоюзин социалистическ дорлдэ СССР-н селанэ эдл-ахун Министерствлэ хамдан цаарянднь кехми гидж ВЛКСМ-н ЦК токтавр батлдж авб.

Эрдни-шишан ик ургъц гаргъдж авхин төлө комсомольцрин болн багъчудин социалистическ дорлдэнд комсомольск организац, багъчудин звенос, бригадс, багъ наста механизатормуд, селэдин цуг кбвуд болн куукд шунмгъагъяр орлцлгъиг тетктхэ гидж комсомолдин райкомст, обкомст, крайкомст болн союзн республиксин ЛКСМ-н ЦК-д закдлв.

В. И. Ленинэ нертэ пионерск организацин Советс комсомолдин комитетслэ хамдан эн дорлдэнд пионерск дружинсиг, цуг пионермудиг болн школьникудиг орулдж авч, эднэ дунд школмудин участкст эрдни-шишан ик ургъц авхднь, колхозмуд болн совхозмуд эрдни-шишэ ургъадж авхднь шунмгъа нокдан курлгънэ ноолла делгрүлх зөвтэ.

Социалистическ дорлдэ делгрүлгънэ дээч төрнэ, эрдни-шишан ик ургъцавхин төлө ноолдлгъ келгъиг чангъа-ахми, 1958 джилд багъчудин звеносин участкд гектар болгънас 400 центнерэс багъ биш ногъан ургъц гаргъдж авхми, тегэд колхоз, совхоз болгън бийснэ хот белддж малан теткхд нокд болхми, энүнэ ашднь, дөрхи джилмудин дотр амн болгъна тоод мах. үс болн тос гаргъагъарн США г куцх төриг диилвртэгъяр куцхд деман кургхми гидж ВЛКСМ-н XIII-ч хургин кеси заавр куцалгън болх зөвтэ.

ВЛКСМ-н ЦК эврэннэ токтавртан колхозмудин болн совхозмудин комсомольск организац эрдни-шишан инспектормуд эрдни-шишад кбдлдж йовх дамшлтта багъчудас гаргъдж, эднд болн „гиги кавалерин“ бригадст, орядст эрдни-шишан таранэ гарцинь болн агротехникин зокалчикяр куцалгъ шүүудж хэлэлгъ даалгътха гидж заав.

Комсомольск организац, багъчудин болн бичкүдин газетс социалистическ дорлдэн делгү илэр кегдлгъиг, эрдни-шишэ тардж ургъалгъна түүри нуурт йовх улсин дамшлтиг тархалгъиг, багъчудин звеносин, механизатормудин, комсомольск организацсин болн пионерск дружинсин бийс деерэн авси даалгъвр ягълж куцалгъ йовхинэ шүүудж хэлэлгъиг бурладж кех зөвтэ.

Социалистическ дорлдэнд диилси болаж тоолгдхнэ эрдни-шишан ик ургъц гаргъадж

авси багъчудин звенос, бригадс, багъ наста колхозникуд, механизатормуд, совхозмудин кбдлмшчнр, пионермуд болн школьникуд болхми, бас термет комсомольцринг болн багъчудиг, пионермудиг болн школьникудиг эрдни-шишан ик ургъц гаргъдж авлгъна төлө ноолдлгънд шунмгъагъяр орлцлгъ тетктхэси комсомольск организац болн пионерск дружинс болхми.

Социалистическ дорлдэнд диилвр бэрси улст болн организацд бгх 1500 мбрэ гаргъгдв. Эдн дотр: Москвад Цугсоюзин селанэ эдл-ахун гая-хулд одх путевкс, оль-амтнэ демократин орн нутгудт одх туристск путевкс, гарт зүүудг часмуд; багъчудин звеност, бригадст болн колхозмудин, совхозмудин, школмудин эклц комсомольск организацст, пионерск дружинст бггдх музикальн инструмента эс гидж спортивн зер-зев баанэ.

Пионермудт болн школьникудт гидж гаргъгдси мбрэнь „Артек“ гидг пионерск лагерт болн ВСХВ-д одх путевкс, „Пионерская правда“ газетд джилдэн бнэгъяр бичгдх.

Райодин, областсын, крайсин болн республиканск комсомольск организацд, багъчудин болн бичкүдин газетст гаргъси мбрэнь легковой автомашид, мотоциклетмуд, „Урал“ гилг радиоприемникс болн ВЛКСМ-н ЦК-н Кундлгънэ Дектрт орулдж бичлгън, эс гидж ВЛКСМ-н ЦК-н Кундлгънэ грамотар ачлгън.

Эрдни-шишан ик ургъц гаргъадж авхин төлө комсомольцрин болн багъчудин, пионермудин болн школьникудин Цугсоюзин социалистическ дорлдэнэ дигинэ ВЛКСМ-н ЦК-н СССР-н селанэ эдл-ахун Министерствлэ хамдан, 1958 джилин ноябрь—декабрь сармудт кехми. Энүнэс урднэ райодт, областсд, крайсд болн республикст эрдни-шишэ тарачнр—багъ наста улсин слетс болхми, дорлдэнэ дигнэ энүнд куундарт тавгдхми, түүри нуурт гарси звенос эврэннэ дамшлтин тускар келдж бгхми, селанэ эдл-ахун эн ик чинртэ культур—эрдни-шишан ургъцинь цаариднь ягъдж икдүлхин хаалгъинэ темдгцхэхми.

Эрдни-шишан ик ургъц гаргъадж авхин төлө дээч кевэр кбдлхэти, тегэд ВЛКСМ-н 40-ч джилин дбниг социалистическ селанэ эдл-ахуг цааранднь бсгдж-бргдлүлхин төлө оль-амтн орлцдж йовх ноолданд бийсинэ темдгтэ хүвэн орулцхатн гидж ВЛКСМ-н ЦК цуг комсомольцринг болн комсомолксиг, кбвудиг болн куукдиг, пионермудиг болн школьникудиг у удв.